

05

A

2315





I. N. S. S. T
De
ORIGINE
ANIMÆ HUMANÆ

Contra
CREATIONIS DEFENSORES
pro
TRADUCE
Publicè disputabunt
PRÆSES

M. GEORGI, CASPAR KIRCHMAIER

Uffenhemio-Francus.

&

RESPONDENS
JULIUS HARTMANNUS

Curlandus.

Ad diem. 28. Julij

in Auditorio Philosophorum:

Horis Pomeridianis

Anno Salutifera Generationis

M. DC. LVIII.

WITTEBERGÆ

Ex Typographiâ JOHANNIS BORCKARDI

Anno M. DC. LVIII.



KARL MARKERT
Wissenschaftliche
Buchhandlung
+ LEIPZIG
C Robert Schumann Str. 12

VIRIS

Maximè Reverendà Dignitate Amplissimis, Excellentissimis &c.

DN. JOHANNI SCHARFIO

pariterque

DN. ABRAHAMO CALOVIO

DOCTORIBUS THEOLOGIS FAMIGERATISSIMIS,
PROFESSORIBUS PUBLICIS CELEBRA-
TISSIMIS,

Templi Cathedralis Præposito: Ecclesiæ Wittebergensis Pastori
Vigilantissimis,

Consistorij Ecclesiastici Assessoribus
Gravissimis:

Collegij Theologici Seniori &c.

Circuli Electoralis Superintendententi Generali &c.

DNN. PRÆCEPTORIBUS, MECOENATIBUS,
FAVITORIBUS, OPT. MAX.

Præsentem qualemcumque
in

Submissa Venerationis documentum,
gratis sibi affectus
monumentum,

de

Natalitijs Animæ Humanæ

Disertationem,

observanter tamen

D. D. D.

Obsequiosus Cultor

M. GEORGIUS CASPAR KIRCHMAIR U. F.



05 A 2315



O. A. D. G.

Prodromus.

Augusta res est & amoenitatum plena, nosse sui ortum. Parvum equidem videtur dictu, sed immensum æstimatione fit. Si quid aliud in Philosophiâ præclari est, hoc est, SE IPSUM NOSSE. Demonax interrogatus, ecquando philosophari cœpisset? cum me ipsum cognoscere cœpi, respondit. Nosse autem non animum duntaxat, sed & ipsa corporis animæq; natalitia oportet. Ehem, quàm minuta humanæ prolis sunt primordia! Pauca seminis sanguinisq; guttæ animali divinissimo auspicia largiuntur! His principiis pusillis & ferè nullis nascuntur Reges & ministri, infulati ac sordidi, æquè Pistor atq; Pastor. Non magnificentior ortus hujus, alterius est ortu. Uterq; æquè oritur, uterq; æquè moritur. Vestiganda hæc naturæ sunt secreta, & quid sub recessu habeant, rimanda. At! ô nos infelices! quàm salebrosa via est tur obstructa sentietis horret. Nemo simplici ferè contentus falso est. Ut splendidiora fiant, duplicanda vana sunt. Dixerat pridem Creator optimus: crescite & multiplicamini, & replete terram: dixerat hoc, & quieverat ab omni, quod patrârat, opere Deus. Dixerat, & dicendo concesserat, ut formam forma, ut corpus corpus, ut simile simile generaret. Itaq; à formâ forma fit, non à materiâ, non è materiâ. A formâ forma fit, non creatur, non educitur, non inducitur supernè. Quid hodiè pleriq;? creatur, ajunt, anima, educitur, inducitur, non traducitur. Contraveniendum falso est, & obliterandum glossema tale. At ita communi

Ar

arbi-

arbitrantur? Esto. Non sunt actutum optima, quæ communi assensu recepta, sine accuratiori veritatis indagine statuminantur. Sæpè per manus traditur error: sæpè præjudiciis obsessi animi sunt, & contra veritatem disputat multitudo. Enim verò quâ hîc procedendum viâ? Sapientiæ nervi sunt, non sentire populariter, nec credere vanis. Quanquam, si error plactus foret, multorum ædes dudum personuissent ejulatu. Nunc cum sub herbâ angvis occultus latitet, stringendus maturè est, ne pariat morsum. Ut ne igitur fallacia alia aliam trumat, almam denudemus veritatem. Faxit Deus ut FELICITER!

THEOREMA REMOTIVUM:

Anima Humana nec omnes simul & semel creata intra Hexameron Mosaicum ante corpora sunt: Nec adhuc hodieq; immediatè à Deo Glorioso creantur.

§. 1. Una est & simplex veritas, sed non sine vanitatum cumulatifimarum appendicibus, falsitas. Ex vero verum nascitur. Ex amputata falsitatum hydrâ, decem monstrosi partus pullulant. Admissâ semel immediatâ animæ humanæ, in hâc quidem generationis viâ, creatione, quanta, Deum immortalem, sequuntur absurda!

Lib. de creat. et probl. 15. 16.

§. 2. Pudet propemodùm maleficatorum commenta judæorum narrare eruditiss. Ajunt illi, inquit princeps præposterorum Abrahami posterorum, hâc tempestate scriptor *R. Menasseh Ben Israel* (alludit verò ad *R. Mos. Ben Nachman*, seu *Gerundinensem*, ad *R. Lipman* in *Nizachon*, ad *R. Bechai* in *Breschit Rabba*) *animas à Deo creatas esse, ante quidem corpora, ilico à primordio mundi, eùm cum crearentur ceteri quoq; spiritus, Angeli.* Tædet & referre, imposuisse hoc quicquid est delirij, Divino quoq; Platoni, non minùs ac *Origeni.*

Conf. Eund.

§. 3. Refutaremus insipidum figmentum isthoc, nisi indi-

indignum disquisitione, sponte suâ rueret. Finge am- *circa diff.*
bò, creatas sic animas simul omnes ac semel esse; unde *de creat.*
probaturus sis, ambigent sapientiores. Adhæc, Divi *primi*
nus Moses, unum duntaxat, uni individuo, vitæ spiracu- *Hom. part.*
lum à conditore DEO in sufflatum esse, memorat. *post. num. 5.*
Quid? quòd animæ per se competat, proprium infor-
mare corpus: per accidens verò & præternaturaliter exi-
stere seorsim- Igitur inhabitare hospitium suum debu-
it antè, quàm seorsim, nondum extructo, cui immo-
raretur, diversorio, existere. Est enim per se conveni-
ens, prius conveniente per accidens. Ut raceam, quanta
inde emerfura sint paradoxa.

§. 4. Alterum verò quod concernit; Anne hodieq;
Deus, immediatè, & exclusis ab hoc opere, producenti-
bus parentum animabus, animas humanas creet? pun-
ctum, est istud longè operosissimum, & haud dubiè, si
quidem indulgendum crenæ foret, magnum scribendi
nobis aperiturum campum. Pretium operæ igitur factu-
ros nos speramus si à primo causæ capite rem arcessa-
mus. Ubi, quidnam creatio præcisè sit, & quid potissi-
mum hæc loci observatum velimus, prænotandum.

§. 5. Julius Cæsar Scaliger, Vir omni præconio, quan- *Exerc.*
tum cunq; ei attribueremus, major, Creationem defini- *XVII sect.*
niturus generatim: est, inquit, illa constitutio substan- *12. 13.*
tiæ ex nihilo. Ex nihilo inquam, ut est terminus, non ut
est materia. Nos ita. Creatio est actio Dei, quâ virtute
infinitâ producit substantiam ad sui gloriam. Dividitur
in primam, seu immediatam, & secundam seu media-
tam. Illa, est actio Dei, quâ ex nihilo producit substan-
tiam. Sic in principio fecit Deus coelum & terram. Hæc,
actio Dei, quâ ex materiâ ineptâ & indispositâ producit
substantiam Pisces ex aquâ: jumenta è mari. Utriusq;
inquit Philosophus in tantum accuratus, in quantum

humana intelligi sapientia potest, B. Martini, creationis fit mentio in primo Geneseos capite. De primâ loquitur Moses, versu statim primo: In principio creavit Deus cœlum & terram, atq; hâc creati & facti sunt Angeli, anima item Hominis. De secundâ creatione loquitur Moses potissimùm, quando docet, quomodo pisces, animalia reliqua, arbores, & corpus humanum creata sint. De nostrâ ut constet sententiâ, præmissam de mediâ & immediatâ creatione, distinctionem, alieniore non nihil sensu tamen, repetitam hic loci volumus. Ferire ergo nequiquâm nos possunt, quæ ex decantatissimo in Scripturâ, Physico Jobo: (quem, quod obiter notamus, aut Moses, *σὺν χειρὶ* fuisse, vel ad minimum sub Patriarcharum tempora vixisse, ex selectissimo Merceri in ipsam Jobum commentario, & Polhystore Clüvero certi sumus) Ecclesiaste, item, atquè aliunde copiosè conquisita, quod Deus nos creârit, in contrarium adferuntur.

Exerc. 192.
sect. 2.

§ 6. Quanquàm etiam de omnibus, in universum formis atq; animabus corporum naturalium, assertam Traducem eamus, generationemque, quam vocant uni vocam, ubique in naturâ obtinere, *δὲς διὰ πᾶσῶν* asseveremus nihilominùs tamen nunquã de iisdem moturi controversiam, sed speciatim de formâ, seu animâ Hominis, ejusdemq; per creationem ortu, nostram instituturi sumus indaginem. Ut non sit, cur diversitatem fingat subtilior justo hîc illustris Scaliger: in homine, in quiens, longè alia ratio est. Advenit enim à cœlo nostra creata anima post fetus articulationem, quâ animâ tunc massa illa, homo fit. Hoc est, quod dissentienti nobis præbet ansam.

§ 7. Apprimè verò distinguenda tempora sunt, ne, quod naturæ proprium, DEO, & quod DEO proprium, naturæ tribuatur. Quandoquidem immani saltu distent

â se

à se tunc & nunc: natura instituenda, & natura instituta. Ibi quippe per creationem uniuersa, quotquot facta sunt, facta esse, is iturus fortè est inficias, qui cum Aristotele æternitatem mundi stabiliet profanè. Negat distinguenda tempora, distinguendas è contrario formas ipsas esse, asserit Nonnemo. Bellissime! Distinguendane, te consule, formæ erunt, quæ specie eadem, quales creabantur primitiùs, generantur ex asse! Arbores tunc creabantur, nunc generantur eadem. Distinguenda tempora ergo. Non formæ, non naturæ.

*In Medis.
Excel. Sper-
lingio op-
positis cap.
3. quasi. 3.*

§ 8. Negamus verò simpliciter, omne id, quod fit ex nihilo, creari actutum. Esto tamen hoc tantisper, dum subsumamus: Species intelligibiles omnes, omnes item à nobis acquisiti habitus, & innumera alia entia immaterialia fiunt ex nihilo. Per te igitur creabuntur? Et homo creator? ô nos infinitos! *ἐν ἀκυρολογεῖν* nimirum. Quid ergo, ut creatio vera sit, requiritur adhuc? Infinita nimirum, agentis infiniti, & ex non-ente ens producentis, Actio & Potestas. Videantur quæ accuratè atquè affatim dicta sunt à Dexterrimo Naturæ interprete Nostro. Verba sunt: cæterùm pervasit opinio, per hominum animos, cuiusvis entis ex nihilo productionem, creationem, esse. Eò processère quidam, ut habitus etiam mentis nostræ, scientiam, sapientiam & prudentiam ex materiâ fieri scripserint. Ne forsan creentur, si ex nihilo trahant ortum. Idem, fidem, spem & charitatem, è potentiâ materiæ educi, somniant. Nihilominùs asse-verare non ausi fuimus unquam, creaturæ in potestate esse, ut ex nihilo ens producere materiale queat. Immateriale verò quod possit, probaturi de animâ rationali mox sumus.

*Tract. de
Subtilitat.
in Scal. Me-
dis. 17. eff. 2.
p. 476.*

§ 9. Cæterùm, ne quis de potentiâ Dei absolutâ frustranea nobis faceffat negotia, præmonendum hoc ad-
huc

huc restat, nos nequaquam de eo, quid possit Deus, si velit, præstare: Sed quid secundum communem naturæ cursum fiat, loqui. Certè non est abbreviata manus Domini, creat enim adhuc malorum anteambulones in superis coeli laquearibus cometas, creat & repræsentat inuisitata in aëre & chasmata & mira dira phasmata. Concludendumne, te argumentaturo, à posse hoc ad esse est? Potis est creare immediatè animas Deus. Creat igitur. Nugæ!

§. 10. Præmissis hisce: Deum immediatè, exclusis parentum animabus producentibus, in Naturà jam institutà, ubi creationi successit generatio, nequaquam creare animas nostras, confirmaturi non numero, sed pondere sequentium ratiociniorum sumus.

(1) à Divina rerum immediatè creatarum & ad integritatem mundi essentialem spectantium, cessatione.

A quocunque Deus semel quic vit, illud hodièque, eo modo quidem, iteratò non facit: A creatione animarum immediatà &c. E.

(2) à Divinà, cum erga species alias, tum præcipuè humanam benedictione.

Quicquid virtute benedictionis divinæ, & quidem non tam verbalis quàm realis crescere, & multiplicare se debet, ejus propagatiò ad immediatam Dei creationem nequaquam pertinet:

Homines omnes. F.

(3) ex absurditatum consecutione.

Si Deus immediatè creat animam, homo hominem verè non generabit: at hoc absurdum & absurdum Igitur & prius. Consequentia stabilitur hoc modo. Q. c. non communicat potiorem & nobiliorem partem hominis essentialem, is reverà hominem non generat.

Rectè

Rectè alibi B. Meisnerus, falsum est, inquit, hominem
hominem generare, tametsi, animam rationalem ei prin-
cipaliter non communicet. Nego tibi hominem posse
esse sine animâ humanâ. Unde tandem cuncte erimus
è ligno tignove exsculpi Mercurij, aut, ut gratulari ad-
huc liceat, enthei.

§. II. Profectò loqui si posset Natura, indignissimè se
ferre clarissimis testaretur verbis, adimi sibi, præter mul-
ta alia, hanc quoq; facultatem: producendi hominem.
Nunc cum patrocinium sui à veritatis confessoribus so-
licitet, sistendi in apicem Adversarij sunt, quorum
suppresso nomine, adducturi argumenta sumus.

§. 12. Occurrunt verò qui primâ illicò in acie locant,
ex generabilitate necessariò sequentem mortalitatem.
Argumentum tale foret. Omne generabile est mor-
tale: Anima Humana non est mortalis. E. nec generabi-
lis. Sed ò *αὐτολθία*! cur non similiter quoque? Omne
ingenerabile immortale. Salve ergo cælum immortale!
salve nunquam morti obnoxie future Orion! salvete
vos, cum immortalitate vestrà, aer, aqua, terra, ignis,
elementa! Non igitur ex generabilitate mortalitas, si-
cuti nec ex ingenerabilitate immortalitas a cunctum argu-
enda. Adhæc, nonne in innocentix statu anima ho-
minis imagine divinâ adhuc radiantis, æquè generabilis
generataque fuisset? despectâ mortalitatis formidine.

§. 13. Nec quicquam causæ nostræ derogabit hoc quic-
quid est objectiunculæ: quod ne ullus quidem post Aug.
tempora, animæ humanæ per propagationē generandæ,
extiterit Patronus. Ut enim nihil in præsentem dicam, quid
de auctoritatibus non fultis almâ veritate, habendum
sit Philosopho, contrarium non minus graviter quam
copiose adduxit, omnium in star videndus Plurim. Rev.
B atque

In Harmon. atque Excellentiff. Theologus, DN. D. CALOVIUS,
Calixt. Pa- obsequioſè Venerandus Præceptor, ad quem benivolum
piſt. ſect. 3. p. Anagnōſcen ablegatum volumus.
461 ſeqq. §14. Negamus etiam procedere: Si natura potenti-

am generandi animam habet, habebit & perdendi. Ec-
quid verò hoc dicti? Ut tamen juvetur collectio iſthæc,
ita rem completamur. Si natura poteſt facere ex non-
ente ens, poterit quoque ex ente facere non-ens: contra-
riorum quippe contraria ratio. Sed natura non poteſt
facere ex ente non-ens: non enim poteſt animam anni-
hilare, niſi quis profeſſum cum Plinio errare errorem
velit, immortalitatem animæ Democriteam vanitatem
proclamante. Verùm enim verò, ut pacificè antec-
cedentis cum conſequentē coherentiā tranſire patia-
mur, minorem ſimpliciter negamus. Quidni enim ex
ente non-ens facere natura poſſit? Occidatur canis, anni-
hilabitur anima ejuſdem. Transverberetur aprugnus:
deſtruetur anima ejuſdem. verbo, bruta cuncta jugulata,
ente aliquo, ſuperſtite licet corpore, & in minima ſua re-
ſolvendo, animæ exuentur totaliter. Niſi cum Fortu-
nio Liceto, Italo, Præclaro alioquin Viro, formas brutales
in alias abire ac degenerare à corpore ſeparatas, in-
auſpicata metamorphoſi, ſtatuerē præſumas. Sed age
diſiudicemus probationem, & ad animam à quâ digreſ-
ſi paullùm ſumus, rationalem revertamur. Ubi parum
roboris præſenti ſubefſe ſequeſtæ, quis non videt? non
perdere natura hominis animam rationalem poteſt.
Non igitur generare. Pergamus hac via: Natura cervi
non perdere animam cervinam poteſt, nec, ſi poſſet, vel-
let. Ergone nec generare aliam? Sed à ſuperiori, inquires,
homine, nimirum, aliove illam violentē impetente
agente annihilari forma cervi utiq; poteſt? Rectè. Et
à ſuperiore agente DEO, aboleri & ipſa noſtra poteſt:
quid verò indè?

§ 15. Pin

§ 15. Pinguis autem iste, cui supra in distinctionibus intendebamus elenchum: Si in primo rerum molimine omnes formæ creatæ sunt. Ergo etiam hodiè omnes creabuntur. Imitemur saltem: Si in primo rerum molimine omnia corpora creata sunt, uti sunt, E. etiam hodiè omnia creabuntur? ô si non ita saltuatum à tunc ad nunc, immane quantum rueremus!

§ 16. Quin nec hic nos ferit hebetatus aries: Q. forma non fuit iussa à DEO prodire ex terrâ, sicut animantium brutorum animæ, sed reservata actioni creativæ DEI, illa forma non habet essentiam generatione, sed creatione producibilem. Anima rationalis &c. E. Major constat, inquit, quia non potest dari ratio cur DEUS animam rationalem exemerit à materiali productione. Negamus enim & hic antecedentis cum consequente connexionem, quæso verò quid est propria illa cuiuslibet rei producibilitas. Essentia siquidem indifferenter se habet cum ad creationem, tum ad generationem. Negamus item, non posse rationem dari, cur DEUS animam rationalem exemerit à comuni rerum materialium producendarum censu. Voluntas Domini est ratio facti. Vide sis omninò ea quæ dicta jam olim sunt à Magnifico DN. SPERLINGIO, in, de Traduce Tractatu, & repetita postliminò in Synopsi defensione adversus Obtrectatorem.

§ 17. Alius quispiam non incelebris inter suos Philosophus, creationem stabiliturus, suas, confutatis nostris, confirmare avertiones. Ait enim: Si anima traducitur per sui multiplicationem, explicent mihi, cur anima rationalis magis possit multiplicari, quàm Angeli? Utrobique enim par ratio. At Angelus non producit alium Angelum. Ergò nec anima nostra ali-

*Vol. I.
Meletem.
disp. 6. Thef.
6. p. 26. &
Vol. 2. disp.
28. p. 104.*

am

am productura animam est. At verò parem utrobi
que rationem, Angelum inter atque animam huma-
nam esse, verum simpliciter non est. Ille quippe
Spiritus completus, hæc incompletus. Horum Spi-
rituum multiplicatio est: non istorum. Pars ho-
minis est anima rationalis. Homo autem benedi-
ctionem hanc accepit. Plura, si Numen annuat, alio
fortassis tempore. Manet interim quòd
immediatè anima rationalis
à Deo non Creetur:

eui laus & gratiarum actio!

F I N I S.



05 A 2315 (1)

ULB Halle

3


003 791 483



1017







I. N. S. S. T
De
ORIGINE
ANIMÆ HUMANÆ

Contra
CREATIONIS DEFENSORES

pro
TRADUCE
Publicè disputabunt

PÆSES

M. GEORGI, CASPAR KIRCHMAIER

Uffenhemio-Francus.

&

RESPONDENS

JULIUS HARTMANNUS

Curlandus.

Ad diem. 28. Julij

in Auditorio Philosophorum:

Horis Pomeridianis

Anno Salutariferæ Generationis

M. DC. LVIII.

WITTEBERGÆ

Ex Typographiâ JOHANNIS BORCKARDI

Anno M. DC. LVIII.